

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Io. Freinshemii Commentarii in libros svperstites Q. Cvrtii Rvfi

**Freinsheim, Johann
Curtius Rufus, Quintus**

[Argentorati], [circa 1639 oder später?]

Cap. 12

urn:nbn:de:bsz:31-103771

minum opera priuare, quam incauta credulitate illorum se fidei committere, qui suspecti esse debebant. Guicciard. hist. lib. 4.

SERO SE PERIRE) Similiter Scipio apud Liuium 28, 27, 9. Equidem si totum exercitum meum morti optare crederem; hec statim ante oculos vestros morerer &c. ad quem locum nos ex Isocrate, Cicero, Seneca, Plutarcho, Cassio, aliisque plura. Gruterus ad ista Sueton. Calig. 56, 2. sponte se periturum se & illis morte dignus videretur. Tiberius, qui inter initia imperii quoties casus ita tulisset precari solitus est, tantum sibi vite & imperij tempus, quantum veip. conduceret: postea quoque accusato Lentulo quasi vite principis insidias strueret; vita se iam dignum amplius negavit, ubi Lentulus quoque ipsi insensus esset. Dio lib. 57. Idem apud Tacit. 6, 2, 5. neque sibi vitam tantis, si armis tegenda foret. Gelon comperta coniuratione armatus in concionem ascendit, mox exutis armis, dedere se vitamque suam vniuersis dixit, occiderent, si ita videretur. Alian. hist. Var. 13, 37. Sic Eumenes apud Iustin. 14, 1, 12. salutem suam in omnium potestate esse. Apud elegantissimum Barclaium Poliarchus de Archombroto: Dignum se peiori calamitate fore, si de illius fide auderet dubitare. Dion apud Plutarch. cap. 70. demonstrauit sepius cupere iam se subire mortem, iugulumque cuius prabere, se ita viuendum foret sibi, ut non tantum ab inimicis, sed etiam ab amicis cauendum esset.

MILITES) Posset quidem abesse hæc vocula, sed cum in omnibus libris compareat, nec lædat sententiam, aut structuram verborum, quis spuriam cum Acidalio pronunciet?

5, 12, 1. **CONCEPERAT**) an ceperat? quomodo & alibi non semel legitur.

5, 12, 4. **TRIGINTA MILLIA**) Totus igitur exercitus erat, ne Græcis quidem exclusis 1, 8, 3. Quid si rescribamus tria millia, ut de Bactrianis intelligatur. nam ceteros innocentes fuisse n. 6. & 7. probant, Schellius. Cui ne adfentiar, facit quod tota ista argumentatio concideret, qua Darius Curtius ostendit noluisse paucorum societatem amplecti, multo pluribus neglectis offensisque. Quod autem triginta potius millia, quam triginta tria & trecentos nominauit (ad eum enim numerum superiori loco relata ratio confurgit) more consueti auctorum fecit, qui rotundo numero uti gaudent. Græcis autem exceptis tamen adhuc triginta millia barbarorum fuisse, & supra ad 5, 8, 4. ostendimus, & hoc etiam loco adiuti euidenter confirmare possumus.

5, 12, 6. **MORE SOLITO**) Nec Parthis patrium, aut consuetum fuisse, noctu pugnare, Plutarchus in Crasso cap. 57. tradit. Cuius locum huic nostro comparat Brisson. lib. 3. de regno Pers.

5, 12, 8. **VELUT A REGE**) Alii velut à rogo. quæ ego apta non negem plane, neque eo minus à nasutulo aliquo interpolata constanter ausim affirmare: De rogo sit aliquid, atque ipse scio, quid dici, qui interpretari, qui defendi possit: verum enim uero Curtius aliter scripsit, ac vera lectio non diu quaesita, feliciter inuenta nobis. Nam vel quouis sacramento contenderim rescribendum: vel à tergo. Hæc Curtii mens, hic Darii adfectus, qui abeuntem amicum nec à tergo sustinebat intueri. Sic Radero probante Acidalius.

5, 12, 9. **ARMATIS**) Alii auctiores: tum vel cum armis, forte non frustra ibi inserta vocula; & potest fuisse *tot armatis*.

NON HABEBANT) Quippe viles apud alios & contempti. quæ inter ceteras causâ Cyrum mouit, ut eiusmodi homines sibi fidissimos futuros crederet, si Xenophonti in lib. 7. *an. id.* fides habenda.

5, 12, 10. *PEROSVS*) Simile illud Taciti 2, 31, 2. in extrema anxietudine Libonis, *ipsis, quas in nouissimam voluptatem adhibuerat, epulis excreuit.*

5, 12, 11. *QUAM MEO*) Non audio Acidalium, qui inserta uocula malit, *quam meus meo.* Sane potuisset ita scribere Curtius, sed uoluisse, quis monstret? & tamen sic concepta sententia Dario non indigna, ipsa autem structura uerborum etiam elegantior. At supra 3, 6, 6. de Alexandro sic locutus est, *satius est alieno me mori scelere quam meo meo?* scilicet pro subiectæ materiæ ratione aliter ibi loqui non poterat: quæ huc longe diuersa, aliam quoque sententiam postulauit. Sic Carthageneses apud Florum 2, 15, 9. *patriam suam malebant hostium manibus, quam suis uicis.*

5, 12, 16. *DEORVM*) Post hanc uocem intrudunt libri *anfflicis*, quod uideatur ex inepta glossa marginali, uolentis explicare quid sint deorum honores, in textum irrupisse.

EXTERNÆ OPE) De huius quoque loci integritate multum dubito. nec abest multum, quin mutilum pronunciem &c. Et tamen integer etiam uideri locus, si recte capias, possit. *Non admodum externa ope, cuius iam scilicet egebat, à suis plane destitutus.* Infra 6, 3, 13. *regem suum etiam externa opis egentem.* Acidalius. Melius tamen illud *nulla externa ope, cum Berneggero retuleris ad captiuus.* Darius fuit à seruis propriis captus, nulla externa ope admota, h. e. ut serui non iuuarentur iuberentur ab hostibus.

5, 12, 17. *PECUNIA*) Strabo lib. 15. de thesauris Alex. *Nonnulli omnia undique Ecbatana comparsata dicunt fuisse C & LXXX. millia talentorum. VIII. millia uero, quæ cum Dario à Media fugiente exportata, ab iis direpta fuerunt, qui eum necauerunt.* Arrianus 3, 4, 12. *Darium Ecbatani ad VII. M. talentum abstulisse* scribit, ut horum uerius narret, nostra parum interest.

5, 12, 19. *NEMO ALIUS*) Tum enim facile est exercitu, uel regno potiri. Sic apud Appian. in Syriac. Antiochus in Ægyptum properat, *ut igneus ægypti & ægyptiui.* Dicimus olim, DEO uolente, ad ista Taciti 6, 34, 3. *inaniem mox regiam Ætææ, ratiuosque Colchæ repetiuit.*

5, 12, 20. *AUREIS COMPEDIBVS*) Dio Chrysostomus oratione vltima, & Iustinus 5, 11, 4. narrant, huiusmodi uinculis oncratos etiam, à Cyro Astyagen, ab Artaxerxe Cyrum fratrem. Antonius quoque regem Armeniæ *Artasiden fraude deceptum, cæcenis; sed ne quid honori deesset, aureis uinxit.* ut Velleius 2, 81, 7. refert. Popma. Vide etiam SchegkI. notam ad citatum Velleii locum, & de eodem Armeniæ rege Dionem lib. 49. Sic apud Marcellin. 27, 26. *Sapor Arsacem uinctum cæcenis argenteis, quod apud eos honoratis uinculorum astimatur esse solatium, exterminauit &c.* Tertullian. de cultu feminarum 1, 6. respiciens ad Æthiops Macrobios Herodoti 3, 23. *Apud barbaros quosdam, quia uernaculum est aurum & copiosum, auro uinctos in ergastulis habent, & uinculis malos oncrant, tanto locupletiores, quanto nocentiores.* Quem locum illustrat alius ex Heliodori Æthiop. lib. 9. ubi de Theagene. & Plutarch. Erotico cap. IX. De Dario & Iustinus 11, 15, 1. Sic in Appiani Mithridat. rex ille filium cognominem *uocatum ad se uinxit aureis compedibus, nec multo post necauit.* Adde Dempsterum ad antiq. Rosini 10, 29. Voff. ad Vellei. pag. 96. p.

PROCVL) Eundem nimirum ad finem, ne inde suspicio oriretur, regem eo surru uehi.

5, 13, 1. *PATEBAT*) Alii *petebat.* Forfan legend. *parabat.*

5, 13, 2. *TABAS*) Non ausim adfirmanti Radero credere, uere emendare Glareanum *Ragas.* præterquam enim quod ea Mediæ urbs non *Ragas* nominatur recto casu, sed *Rhaga*, etiam supra ueri fidem non est, aliam ibi fuisse, *Tabas.* nec sane.